

國朝畿輔詩傳

國朝畿輔詩傳卷三十二

長洲陶

樑鳧薌鞞

天津梅成棟樹君校

尹會一

會一字元孚號健餘博野人雍正元年進士歷  
官吏部侍郎祀鄉賢有健餘詩草三卷

方苞尹元孚墓志元孚少孤貧太夫人口授論語卽知孔子之言不可違悖旣長篤信程朱之書謂治法不本於三代皆苟道故自服官日取漢唐以來代不數見之人以自律故自視若粥粥無能者一旦入長御史爲耳目之司竊幸得自展布而太夫人老疾不能就養未數月卽以終養告歸居五年太夫人考終服未闋

天子預

虛少司空職以待之赴

闕未踰

官元孚始

特命視學江南按試松江遭疾卒於  
官吏部郎中出守襄陽漢水暴上壤

護城石隄修建萬山至長門近十里分植巡功  
民忘其勞已調揚州適荆州都統西征取道漢  
江飭造浮橋吏民惶急乃揭誠修禮卒改令以  
船濟凡利害切民未有聞而不諳知而不行者  
所屬皆羣聚而禱祠馮其治揚州亦然遷鹽運  
使尋擢巡鹽御史晉中丞積弊一掃導商民以  
節儉而身先之及開府河南開歸諸郡大水上  
章自劾列賑恤之宜約法十六條兼用北宋高  
公弼趙公抃救災事宜而令離鄉求食者有司  
隨在廩給開以作業俟改歲東作資送還鄉則  
古法所未備也以是災民無一出河南境者元  
手性坦易遇事必行其心之所安少時授遷祁  
州假館於張氏以奉母凡七年不忍一日離其  
居官每夕必以所措施詳告太夫人意或求愜  
則跪而請罪不命之起不敢起官中祿賜出入  
壹稟於母非請命妻子不得取尺布鋪金日用  
之外多布之治所為揚州兩營河南撫標置舉  
本各二千金日凡卒伍必使衣食得自適乃可  
以法繩完城濬河建橋梁設津渡修學校立書  
院創蠲祠表前賢舊蹟賜高年布帛寒者衣之

疾者藥之故民皆感興政教信從其在鄉則族  
人皆授以田使自耕以食而執其契立義倉義  
學拯危濟困不可勝紀用此仁聲義聞播流海  
內顧公用方久任督府再舉以自代高公東軒  
以宗程朱志相得總督畿輔嘗以公事過博野  
登堂拜母孝德上聞乾隆八年冬十有一月  
特賜太夫人御製詩及楹聯天下  
傳爲美談其入覲初命巡撫廣東  
陳母老不能遠行故有河南之命禦災捍患日  
不暇給尙於其隙布周官溝樹之法編甲戶以  
詰盜命州縣皆分四鄉立社學簡有德行者爲  
社長朔日月半書其孝弟敬敏任恤者與其放  
逸奇袤爲患於鄉里者有司巡問觀察因事而  
勸懲之行之數月罷民悚惕禮俗丕變尋內  
召始入臺卽奏人主一言天下屬耳目焉  
今方甄別年老不勝任之員而知饒州府事張  
鍾又以年老命改部司旬日間前後頓殊恐羣  
下無所法守上嘉納之其在河南嘗奏  
睢州湯文正公宜從祀孔廟視學三吳首謁東  
林道南祠舉舊典答諸生再拜凡試畢士旅見

皆然頌小學以明程朱本意既違疾自知不起  
草遺疏言任賢納諫始終一意以立誠爲本旬  
日中無一語及家事卒年五十有八所述君鑑  
臣鑑士鑑女鑑增定洛學編北學編已鈔版居  
憂讀禮作從宜錄侍養五年讀三  
禮筆記及與師友論學語藏於家  
隨園詩話先生督學江南卒予將賦輓詩見次  
山先生四章不能再出其右遂擱筆焉其警句  
云母教成三徙君恩厚兩朝又曰士幸  
方知向天何遣奪公先生任兩淮釐務時布衣  
鮑泉以詩受知今有海門集行世皆先生爲之  
提倡鮑奉陪先生汎梅口詩云蓬萊清切逢仙  
侶蛟鱷威稜避顯

官其相得如此

紅豆樹館詩話先生督學江蘇敦厲實學至今  
蘇人猶俎豆之生平講學以程朱爲宗播諸政  
事俱奏成效理學經濟殆兼善焉所著書十餘  
種皆持擇平允不以攻斥先賢爲事少時與刁  
紹武王雲卿劉今衛相倡和人目爲保陽四子  
今所傳健餘草三卷乃其門生揚州鮑泉編次

清醇和雅無安  
樂窩頭巾語

衙齋卽事

國計饒滄海臣心淡素絲  
高明防鬼瞰清白畏人知  
露湛重陽菊霜疑向日  
葵衙齋無俗客啜茗共論詩

居庸關

莽莽關山起暮愁  
亂雲層疊隱危樓  
雕弧控滿清宵月  
畫角吹殘紫塞秋  
旅夢無端空索莫  
歸心何事更夷猶  
燕南碧草還飛蝶  
已見桑乾帶雪流

春日感懷

牢落風塵久索居  
閉門空對一牀書  
窮如有鬼文難送

病不由人藥豈除，悽切山陽聞短笛。殷勤遠客贈雙魚，  
何當樽酒開懷抱。花事逢春莫更虛。

攤書

茅齋重整舊芸編，筆蹟依稀認少年。零落幾同書帶草，  
搜羅曾費典衣錢。鄴侯架上籤應滿，蒙叟薪中火漫傳。  
老誦南陔真有味，諸孫傾耳更琅然。

將之館舍有作

依舊生涯送寂寥，已違心事轉逍遙。四方我自憐餬口，  
五斗何人不折腰。廊下雖同臯伯廡，囊餘且免鄭公樵。  
升沈眼底渾難定，笑問青瑣坐幾條。

立秋前一夜

溽暑消殘露氣清  
越羅湘簟暮寒輕  
高梧未減吟風葉  
涼月初添近水明  
天上星期愁閨隔  
人間華髮怕秋生  
無情有恨誰先覺  
金井欄邊蟋蟀聲

漢川舟次

南國多陰水氣涼  
深秋白露未爲霜  
揚帆萬里風隨客  
繞峽千重柳抱莊  
酤酒連醅新有味  
采菱帶葉嫩初嘗  
樓中黃鶴曾相識  
暫許勞人問醉鄉

武昌遇劉履唐偕赴襄陽途中有贈

年來蒲宦愧從遊  
鄂渚欣逢話小舟  
蠟燭翦殘涼夜雨



唾壺擊碎大江秋文章許我爲知己砥柱須君截衆流  
自有襄陽耆舊在仲宣莫漫賦登樓

上元夜雪

片雪江城未落燈萬家簫鼓尙喧騰衙齋禁酒清如水  
座客垂簾靜似僧香謝梅花迷檻月寒驚詩夢沁壺冰  
玉樓人醉東風裏遙向烏臺望未曾

舟泊燕子磯題永濟寺

芙蓉幾朵頷花宮鐘磬聲高逼遠風一嶺白雲歸老衲  
半潭秋水住漁翁香林鳥語天機活古塔龍吟地勢雄  
爲問攢眉陶處士可能大醉與禪通

收纜停舟燕子磯穿雲拾級叩僧扉遠公卓錫聞隨鷓  
惠海蓬頭自補衣欲向三乘窺妙相卻因一語悟真機  
此間早識黃梅熟何必風旛問是非

姑蘇道中

水態雲容宿雨天游人歌管盪樓船貧家亦有如花女  
辛苦吳蠶第幾眠

寄玉雲卿

蘭橈夜泛清江月紗帽寒禁紫塞霜誰遣西風作離恨  
參差歸雁不成行

紀遠宜

遂宜字肖魯號可亭文安人雍正元年進士歷  
官刑部員外有蘭叢集八卷

陳儀傳先生令黃陂有惠政時甫更赦令諭盜  
魁令改行皆感動悲泣而去初受訟牒累三百  
紙剖析無遁情兩造驚以爲神容美士司估長  
陽民田民訟之士人不就理反虜掠數十人以  
去先生移書諭之首懼仰還所虜人解犯聽勘  
論如律其詩陶鑄融冶一歸大雅言外之意神  
韻悠

然

黃叔琳序可亭詩真心獨造力追古人其客遊  
所歷宦蹟所經咸於詩焉發之大要探源經史  
蘊釀漢魏以來諸大家雋而不  
佻豐而不繆彬彬乎質有其文

田同之序可亭先生詩氣體深穩名

言妙句側見橫出言盡而意不盡

紅豆樹餘詩話可亭爲桂山徵君翁子兩宰劇  
邑政事之餘吟詠弗倦蓋得於家學者居多佳

句五言如仙霞嶺云氣通閩海潤勢壓越山尊  
獨樹挂殘雪亂鴉爭夕陽路盤山百轉雲擁樹  
千重風翻鴉背雪石響馬蹄冰七言如倦懷想  
負丁年未隻影唵殘丙夜銜金骨未成辭碧落  
朱顏易老酒銷塵算來身世誰能了說到名場  
我欲愁宿火香溫知夜永隔窗竹響覺秋多酒  
難撥悶辭三雅夢擬游仙隔一塵蝶抱夜香和  
露墜燕銜春色過牆飛隔水共村通畧約依山  
結屋盡樓臺溪閣岸頭鳩婦雨江船桃腳鯉魚  
風皆超詣流暢使人讀之往復流連不能自己  
尤工尙聲有  
閒雲詞一卷

### 秋懷

秋意在何許颯颯庭樹枝金風消息來遂使羣心夷緬  
焉念昔人行樂長苦遲百歲豈不多半爲炎涼摧駕言  
謀遠游及此清秋時千里無同心夢魂飛向誰

雨後覺秋多白帝策羣動脩脩北窗人月明照清夢時  
復起行唵絲桐一再弄物情矜早遇詎知非偶中嗣宗  
亦稱達何事窮途慟

春風如昨日花葉爭芬芳幾何時東西各飄揚人  
生匪磐石安得不參商矯首羨雙星盈盈河漢傍雖不  
同房帷咫尺長相望

震澤中有山山上丹橘林美人采其實望遠登高岑玉  
顏照秋色皓齒揚哀音哀音是何曲桃李盛年心流光  
去如波以心難重尋猶有舊時夢搖搖來錦衾

登高望平原夕靄蒼然橫豈有出塵想耳目暫得清輝

輝西日下激激野水鳴木葉何蕭蕭蒲稗亦辭榮葳蕤  
昔芳草俯仰今西成感此心骨悲忽如將遠行風行暗  
山郭霜月明江城寂默馳神游寸晷千里情雁行遵沙  
渚次第發南征日暮儔侶稀惻惻空屏營

渡太湖訪顧武臣

震澤何茫茫風雷互磅礴三萬六千頃一葦縱遼闊  
光射洲渚水色盪林薄洞庭兩點青鏡影芙蓉萼流覽  
興未已倏近松陵郭故人喜我至握手登小閣狼藉書  
楮墨造次具杯酌卻憶燕市遊曾有吳門約斯言竟可  
復相將探巖壑

靈巖有幽境乃在湖水濱  
夙昔聞君言頗愛風俗醇  
復聞梅里好羨煞松陵春  
便當與君去誅茆共垂綸  
不忍別名山况此山中人

秋荷篇

西風吹斷藤蘿烟欲落不落  
闌干前芙蓉城下彩雲盡  
一池寒碧涵涼天荻蘆瑟瑟妨鷗睡  
譜作清商挽羲轡  
霧縠香飄昨日紅珠盤露滴  
今宵淚淚盡香消恨轉長  
水晶簾額冷斜陽六銖金縷繁  
華歇秋來幾日總啼妝  
銀砂空自明南浦脉脉陳王  
不得語桃葉歌殘下渡頭  
忍使葯房心獨苦橫波渺渺花  
臺空蘭塘四面鳴哀蟲

年年搖落甘如此春風不到鮫人宮  
珊瑚機杼錦川茜  
留向人閒知幾片莫怨霜刀碎翠衣  
已憐月鏡無紅面  
翠衣紅面復何時一歲花期總別離  
只今怯問江潭樹  
猶繫當年司馬悲

齊侯鐘歌爲陸右亭賦

銘云齊侯作盟聘寶鐘其  
貴壽萬年無疆子子孫孫

永寶  
用

似鐸非鐸如鐸大被體雲雷儼蟬蛻範金者誰勒籀文  
分明識是齊侯作姜耶田耶不可知他無考據書與詩  
意當小白圖糾合東海泱泱極盛時尊王卻是霸功始  
禮樂不復自天子鐘聲清越壇坫肅宮已變宮徵變徵



九鼎弗辱淪滄波祖龍無奈泗水何十二金人亦辭漢  
嘔心昌谷徒悲歌洎上歆盤宋時見搜羅多入宣和殿  
三代法物俱北轅誰聞大雅冷然善此鐘何日燕市來  
回憶牛山杵白哀疑自七十二城下望諸攜爾歸金臺  
雲間陸子士龍後愛翫摩挲時一叩索我長歌賀遇奇  
二千年物歸君手爛斑古色靜氤氳珍若陳蒼石鼓文  
君歸試比焦山鼎聲光並徹長江雲

送春

春去春愁在愁中一送春苔深連日雨花似去年人不  
惜榆錢盡翻驚菜甲新舊游回首別寂寞曲江塵

南浦

千古傷神地蕭然此遠游思鄉頻對月作客怕逢秋鳥  
路通山郭人烟隔澗流文通祠尙在唵眺起閒愁

漫興

廣陵城高邗水濱舊俗豔冶難具陳一百五日好時節  
二十四橋多游人梅花官閣羨幽賞柳色隋隄傷遠神  
何當挂席任來去醉入江南看好春

弔王文靖公怡園遺址

五十年間一剎那午橋重眺劫灰多主人裴晉公安往  
圻者王承福又過燕尙有情尋舊壘人能無淚灑荒坡

桑田滄海尋常事空向山陽歎奈何

春暮

料峭餘寒春似秋半陰微雨未全收  
差強人意迎新月不合時宜擁敝裘  
賸有琴書相伴侶非緣山水解勾留  
莫嗔燕市行唘客徒步蹒跚避八驩

秋思

不辨前山路依稀埵一螺夜分明月上  
秋思在菱歌

將發錢塘舟中作

烟澹菰蒲接遠汀數聲柔櫓過離亭  
客心不解分吳越一樣山眉兩岸青

過苑家口

四十年前此路行五陵裘馬少年情而今陳蹟難重省  
玉帶河流是舊聲

歸里感懷

塵海萍蹤久未歸歸來白髮舊儒衣傷心那待千年別  
城郭人民半已非

魏元樞

元樞字臞菴豐潤人雍正元年進士歷官山西  
汾州府知府有與我周旋集十二卷

薛寧廷傳元樞少委身於學而家塾少墳籍適  
書賈寄卷軸數千因得縱覽通大義其視鄉里

同輩鮮當其意以為不足師友獨扇戶謁諒探  
古人典蹟方彙如宰豐潤奇其文拔冠童子軍  
充博士弟子雍正元年春秋兩試皆捷選河南  
靈寶縣令蒞任月餘因公去官特旨送

部引見以主事用補兵部武選司主事調刑  
部元樞屬精奉職折獄多所平反上聞

而嘉之賜珍果香藥同官皆不得預十  
一年由員外遷江蘇司郎中會爭一獄不能得

即乞假歸里上聞而驛召限日行六百  
里入對獎諭以辦事勤慎不肯隨人俯仰使

復其所而堂上官竟至降謫乾隆三年外轉寧  
武府如府府固新改至即請歸寧武廟學起鶴

鳴書院延師訓課上風立變又請祠祀明死事  
總兵官周遇吉以勸忠義攝同陽同知兼署雁

平道事十一年蒲州屬廣靈安邑萬泉飢民聚  
眾脅官起大獄大憲檄往查辦或勸嚴設防衛

元樞曰此飢民耳非叛也何張皇為竟以單車  
往眾皆洶洶元樞諭以禍福開倉先賑慶更生

者萬人調汾州府積案數百月餘皆為審結仍  
修西河書院祀先賢卜子明年以原官致仕卒

年七十

有三

又序臘菴晚歲里居自訂其所著曰與我周旋  
集真意流溢行閒一切筆澤雕繁之習刊落殆  
盡

### 狄梁公墓

天不厭唐祚巍然生梁公頽波屹砥柱萬古仰高風  
下數千載忠義見英雄漸積移國運興亡調不同委曲  
終有濟幹旋轉虛空曾無動聲色奸讒計已窮宵小弗  
能賊制伏若鬼工天后任驅使狡黠成癡聾絕不知艱  
險王臣故匪躬玉步還舊物房陵竟返桐聊似遵時晦  
已覺闢鴻濛身名兩俱泰嶽嶽燭蒼穹荒碑臨古道長

照夕陽紅旰衡憑弔處百世精神通

寧化堡

兩山夾汾水逼仄勢如削雉堞俯深谿惴惴插危腳斗  
城鑿雲根未夕日已落峻勢勞攀援尖徑滑飛雀背水  
不可陣當關自束縛不知宋室意何此置郭郭將怯無  
敢戰踞險耐慚怍縱敵恣長驅收保藏寂寞我增弔古  
慨登陟感蕭索歎息俯頽墉於今廢鎖鑰雲深夏尙寒  
地磽賦仍薄亦有詩書彥願學溯伊洛比戶傍巖岫樵  
汲歸雲壑咄咄堡中民有如居劍閣

勸農回郡再過鸞橋諸村

看山了無盡畫圖任舒卷春烟入渺冥細流涉清淺奇  
峯訝變怪馬首迎石轉雲出幽徑滑斑駁歷苔蘚陰晴  
不可測嵐光幻幽顯巖巔間綠紅太古遺籀篆遺壑嘯  
長風高原陟絕巘正疑境逼仄空曠得平行行到關  
城雲烟戀絨冕

陽方口

寒澗漲春水冲激荒城下蟄龍窟其間洄洑吐石罅直  
齧危垣落中流湧長壩沙磧立春鳥微徑頽雲榭炊烟  
點層霄晨星明已乍條風從東來吹面如鏃射落落墟  
里人寥寥若冬夜嗟哉昔雄邊名城震夷夏南登棗邏



臺憑弔生歎嗒太平良已久邊防人所詫

登無梁閣

一峯何處生插地如邱阜千仞根焉托直從鼇背負峻  
嶒高未極中涵造化久伊是何年人建閣摩星斗塔勢  
並倚天俯瞰雲霞首登臨四望開惟與絳霄友南極瀟  
湘目萬里可招手北眺百二城雄關懸臂肘左右指虛  
無日月穿戶牖長嘯動天地沉澗入吾口何須問蓬萊  
大觀能不朽

曉發山陰之應州

午夜星輶遠清霜結綬花有田皆斥鹵無地可桑麻馬

飲長城窟人吹蘆葉笳壯遊良足慰乘興度龍沙

齋中偶成

風塵勞動笑成虛三徑雖荒有敝廬  
揩紙偶然臨碎字開函隨意檢殘書  
窗搖花影翻新樣月透簾紋印舊除  
無限流光容領畧好憑清夢到華胥

癸丑除夕

爲惜良宵欲款留醉餘清興滿皇州  
人雖漸老神猶王官不邀榮世少尤  
好古每慚窮萬卷捫心何事可千秋  
堂堂歲月知難住細檢行藏當酒籌

送周西昀歸養

楚客燕人各一天相憐別調共纏絲半生拙宦貧如洗  
萬里歸舟夢亦仙已沐殊榮依子舍饒將清望奉高年  
秋風多我蓴鱸興一曲驪歌意惘然

早發榆林歸寧武

和會村東望早霞又催車馬度平沙不知何處飛晴雪  
疑是巖梅落凍花

王又樸

又樸字從先號介山天津人雍正元年進士官  
安徽廬州府同知有詩禮堂詩七卷

四庫全書提要易翼述信十二卷王又樸撰是  
編經傳次序悉依王弼舊本而冠以讀易之法

終以所集諸儒雜論其大旨專以彖象文言諸傳解釋經義自謂篤信羽翼之爲書故名曰易翼述信而以朱子所云不可便以孔子之說爲文王之說者爲非其徵引諸家獨李光地之言爲最夥而於本義亦時有異同蓋見智見仁各明一義原不能固執一說以限天下萬世也至其注釋各卦每爻必取變氣蓋卽之卦之遺法其於河圖洛書及先天後天皆不別圖而攸其說於雜論之末特爲有識其時位德大小應此主爻諸論亦皆恪遵御纂周易折中之旨闡發證明詞理條暢可取者亦頗多焉津門詩鈔公幼以古文受知於方望溪先生許以力追秦漢文名重于日下所到之處政自惠聲尤精水利返滄爲川江南宿儒多稱之著有韻史讀孟易翼述信諸書

### 釣突泉

歷下尋名勝臨流一溯澗水當人面立雨自地中來

沫噴輕雪飛濤響怒雷廬山唵瀑布慚愧謫仙才

望嶽

華嶽高寒帝蓐收三峯聳立萬峯頭遠同泰岱東西峙  
近砥黃河曲直流玉女無塵益自淨仙人何處望空留  
幾番欲到蓮花頂搔首青天一問秋

獨坐

遲遲斜日上階除不是衙齋是謫居綠野有人初叱犢  
寒廳無事獨翻書藏經偶或逃秦火識字誰同辨魯魚  
日暮拋燈掩卷後幾番搔首賦歸歎

鮑梓

梓字履亭一字敬亭南宮人雍正元年進士官

福建漳縣知縣改獻縣教諭

馬應運鮑敬亭行狀公宰江南霍山伏蛟夜發  
民舍澤沒公多方拯救發倉粟賑活數萬人司  
鐸獻縣誨諸生教品立行李文園  
戈芥舟紀文達諸公皆出其門

古意

嶧陽百尺桐樵斤入釜爨抱質激淒響有識爲驚惋  
斲琴焦尾名徽軫光璀璨被以朱絲絃登之青玉案賞音  
遇中郎良枯皆無憾

騏驥駕鹽車厓坂九折峻毛焦筋力疲俛首不能進  
駑駘人共嗤孰解憐神駿中途遇孫陽長鳴聲悲暗得蒙

一顧恩踣頓亦何慍

張 巖

巖字止山號石鄰天津人雍正元年進士官山

東鄒平縣知縣

蘇州府志石鄰知昭文縣操守廉謹常昭城河歲久淤塞乾隆十年力主疏通與常令各分地界工竣計夫八千餘名而人不怨

津門詩鈔止山先生少以文名與王界山先生有二山之稱卒之日康達夫輓詩云文藻空鄉

國悲風起故林斯人今已歿誰更紀高吟

題畫

踏屐秋登月下臺碧梧陰靜小徘徊遙知鶴夢幽閒處

定有琴聲過水來

李之疇

之疇號恬齋滄州人雍正元年進士官山西潞安府同知有秦役草旋晉草

潼關渡河

東北中條若龍蟠西南華嶽如鵬奮中穿一水是黃河  
嶄然天塹分秦晉關河極目望中收侈哉造物何所吝  
行人不復動旅愁俯仰各欲抒所蘊山光洽我情河聲  
滌我耳函關紫氣會東來五千言乃傳尹喜迄今經過  
緬遺徽衆妙之門從此啟



邵錦潮

錦潮字賜笏宛平人雍正元年舉人

蒹葭

秋色浮江上煙波共渺然蒼茫迷遠渚寥落向遙天折  
葉驚寒雁飛花點釣船伊人不可卽悵望水雲邊

紀咸

咸字中涵文安人選宜子雍正元年舉人官安  
徽旌德縣知縣

俞廣文邀游西竺

同抱烟霞癖招尋得暫閒冷官偏好客俗吏且看山寺

隱雲爲障門藏雪作關此中參妙諦跌坐已忘還

望荻港

雲峯背日留殘雪柳岸迎春染嫩黃一簇人烟斜照裏  
枕江古剎出紅墻

楊方晁

方晁字東陽一字曉村晚號鶴巢磁州人貢生  
雍正元年舉孝廉方正有雞肋集四卷

四庫全書提要磁州人詩十卷楊方晁編皆錄磁州之詩自唐迄本朝作者八十餘人得詩千餘首各繫其人之事蹟出處甚詳亦頗有考據然意在表彰未能嚴於抉擇其第八卷至十卷悉載方晁及孫濂詩濂亦磁州諸生卽校刊此集者也

秋日東峒劉氏莊再晤馮立齋

十年重把臂紅樹滿清漳我病還如昨君顏亦已蒼時  
窮爭骨立交好覺形忘喜共雲莊榻挑燈話正長

草堂

只愛清閒不愛忙一條筇竹一匡牀釀將酒熟從巾漉  
著得書成付枕藏塵定坐來頻視息儘殘睡起自添香  
閉門不問升沈事但許幽蘿蔭草堂

秋日村居病起

小浦蘆花白荒園柿葉紅草堂新病起倚杖數歸鴻

李培深

培深字靜滋號芙圃磁州人雍正元年貢生有

越游吟燕山草

磁人詩公博通經史所作詩古文詞超妙不羣兼善書畫閉戶著書問字之車常滿戶外

何地能忘暑

何地能忘暑空堂木石居澄懷安樂土屏慮夢華胥名  
愧時賢後心期太古初清風明月夜俛仰自籛籛

陳德華

德華字雲倬號月溪安州人德榮弟雍正二年

一甲一名進士歷官禮部尙書

藤陰雜記 本朝直隸狀元自雍正甲辰陳大  
宗伯惠華始乾隆三十六年 皇太后八

旬萬壽

賜三班九老宴游香山次日

命畫工艾啟蒙繪圖文職九老以顯親王

爲首有大學士劉統勳武職九老以都統四格

爲首致仕九老以刑部尚書錢陳羣爲首而宗

伯陳公亥之此國朝崇禱

之曠典亦人臣之異數也

### 送辛錫傳表兄之官中州

仙才久冠上林枝又見分符捧檄時百里鶯花香自擷

一官書劍靜相隨多才好作梁園賦乘興還題良嶽詩

政簡鳴琴胥就理清聲應早達 彤墀

陳浩

浩字紫瀾昌平人雍正二年進士官詹事府少

詹事有生香書屋詩六卷恩光集一卷

蒲褐山房詩話先生少日素聲詞館典湖副憲  
大鯨李編修重華諸贊善錦齊名其子戶部君  
本忠與余鄉試同年故入都晉謁先生以子弟  
畜之生平兼工書法得蘇文忠墨妙爲余書者  
最多四十年來遷徙遺失僅存一冊蓋壬申春  
典試南行所作也戶部兄弟皆早歿詩稿不傳  
而都下亦無知其工書者  
紅豆樹館詩話紫瀾先生恩光集一卷賦頌詩  
三體合編皆應制之作生香書屋集六卷共五  
百餘首前無序後無跋殆非定本集中各體皆  
工陶冶性靈不卑不亢清剛雋上卓然名家惜  
生平志行無可徵考爰就湖海詩傳中所錄參互抉擇以著於篇

欲尋三游洞未果兒子本忠本敬偕桐城劉耕南  
往游焉歸道其盛因記以詩

彝陵多奇山險絕三游洞峭壁接天關微徑穿石縫坂

峻江濤寬苔滑霜雨凍盤空轉崩崖側立見巨甕曠然  
窅而深壯若宇與棟幽光雲樹交清籟風泉送俄聞大  
聲發林木皆震動洪鐘響縣疣疊鼓鳴鼻空魚龍戲滌  
灑象罔馳倥惚恍疑古后夔張樂調儀鳳別將山水音  
譜作仙靈供神臬在荒徼造物正珍重自從元白後祇  
許蘇黃共兩兒乃好事直上同飛鞚酌酒勸公榮百榼  
嫌未痛醉歸話燈窗縈我寒宵夢

飛來峯

衆山環兩湖皆以淡而妙茲峯獨怪奇壁立聳羣峭梯  
空臂難引吹籟穴能嘯青蒼盤松檜瑣細雜蘿葛其下

爲冷泉鬪石恣騰越有亭翼然臨俛仰便登眺旁尋得  
洞戶深入窮窈窕直穿山腹行上徹天光照誰參造化  
工鑿破混沌竅自古名飛來此說或非剽天欲壯此湖  
靈鷲分半嶠至今鸞翥勢猶見神尾掉將老獲此游俗  
病冀可療徐步下山橋溪花向人笑

送家體齋侍御督儲湖北兼寄懷望溪先生

折柳柳條短酌酒酒味薄知已將遠行羈懷倍寂寞憶  
昔締交初石渠同著作桐城方先生有道不減郭每與  
論人才首必稱元若自君爲御史風采果諤諤直節重  
班聯嘉聲日騰躍此行殊特達霜蹄不待鑿監司位望



尊衙齋公事約坐理得從客窮簷起枯涸願君慎所操  
益自養其鏹武昌名勝地曩哲恒栖託竹樓與雪堂風  
流宛如昨望古懷清芬憑高見寥濶發爲經世業豁然  
芻次拓矧乃近家園片帆假青雀視膳足兼珍承歡同  
棣萼十年游子心一旦開眉鑰更聞歲挽漕必向秦淮  
泊得登君子堂請益資礪錯爲我問起居兼道苦離索  
自從相別來疾患常憂灼疲神有斷簡起痼鮮大藥人  
事徒悠悠孤情久落落猶賴同心人一二在京洛如今  
益乖分慘慘心不樂且復坐須臾共此寒宵析生平重  
素交性復愛雲壑行將賦遠游竟踐名山諾命兒驅柴

車裏糧載書橐先過石頭城遂訪晴川閣

題林鼇洲學士韓漣芳宮洗柏搗庵太史同游西

山潭柘寺圖

一車在山腰一車在山足後有一車隔林麓山僧策蹇  
同追逐車聲犖礪與石鬪山勢嵯峨倚雲矗九峯環拱  
金碧開高寺俯臨龍象蹴此時秋正深霜容澹染楓樹  
林松風謾謾鳴萬壑石梁雪瀑飛千尋天空雲淨萬象  
出劃然長嘯開胸襟西山蘭若多茲寺名最古華嚴尊  
師妙嚴主當年遺蹟今何許深潭水黑蟠蛟螭枯柘苔  
蒼蝕風雨盡收靈境入奇懷各出長篇驚險語歸來示

我游山圖使我神馳氣爲阻我居近在金臺邊山光日  
日在眼前何當手結茅三間移家徑住山之巔往爲公  
等作地主相逢把酒同醉眠噫嘻人生得此亦足樂捲  
簾遙羨西飛鶴

題顧古湫所藏蜀相王錯書華嚴殘簡後

國子先生性嗜古日坐風廊摩石鼓世間寶墨足收藏  
搜奇直到琅嬛圃合州有寺塔有經神藏鬼守垂千齡  
一朝雷雨震巖谷殘牋散落如飛螢貝多葉上墨花紫  
畫勁鋒鈿力透紙代遠何人識姓名老衲無言刺史喜  
蜀相王錯號能書昭報昭嗣總不如

元員外仿韓擇木  
八分張道古效柳

公權楷法皆杜  
光庭門人也

唐餘遺墨邈星鳳得此如見歐與虞非

底蛙聲何足道後孟前王蹟如掃贖有人間書畫傳黃  
荃花竹僧鬱草遠攜錦篋誇賓友聚觀快飲長安酒豈  
知睨璧有秦人不許相如間道走歸來閉閣靜焚香研  
匣頻開搨硬黃留伴鴻都石經字也能對月吐寒芒

讀同年汪謹堂所藏王昆明師詩冊有感

先生跨鶴游玉清牙籤萬軸歸昆明欲求遺蹟邈難觀  
吉光片羽如瑤瓊我聞先生幼孤露身栖山寺弟力耕  
掩關十載萬卷破振筆一掃千人驚廟堂著作資大手  
千尋激浪飛鯤鯨端居芸館對古籍屢持玉尺司文衡

龍門品藻盡奇士，謬予亦得陪羣英。與君共有知己感，  
那堪話舊心屏營。君今何處得此本，手題兩幅兼真行。  
茶烟花影皆樂趣，筆精墨妙含深情。當年寄興亦偶爾，  
於今回想猶生平。挑燈感歎再三讀，秋窗風雨聞雞鳴。

題張侍御奏毀魏忠賢墓碑疏後卽用紀事詩韻

朱明季世頹無光，瑞豎竊柄移天綱。從來闕禍此爲極，  
勢燄敵灼燔忠良。推崇自號九千歲，客氏助煽同椒房。  
紛紛羣小逐臭腐，薰心黨附爲兒郎。樹碑頌德徧州邑，  
生作隧道侔君王。一時義憤動朝野，摧鋒奮擊連彈章。  
六君子獄五人墓，二十四罪那足償。盛朝畿甸有遺

址墓碑儼峙西山岡侍御巡視碧雲寺遠眺巒嶂雄綵  
牆雲松黛柏聳蒼翠繪雕滿目輝琳琅捫碑剡薛識名  
字銜冠猛氣盈剛腸歸朝白簡奏

天子風馳電

驚速毀將繡衣持斧董厥役百夫越叫走不遑穹碑曳  
倒震巖谷山精穴魅都遁藏奸名剗削無一蹟曠盪不  
識堂與防洋洋奏書七百字辭嚴斧鉞凌秋霜么麼身  
後痛懲創殘魂餒魄猶怯恒秋宵展讀和遺韻華星的  
皦森寒芒

錢修亭前輩招同汪謹堂吳鳴珮李玉洲徐晉叔

諸同年集香樹齋看山桃花用昌黎山石詩韻

當杯不辭酒力微  
香花莫待繁英飛  
一年春事纔過半  
海棠未放山桃肥  
兩株紅白傍仙館  
竹深苔淨塵埃稀  
花開幾度缺  
嗟賞念之不與渴  
與飢朝回日暮  
猥見召同人  
下馬輕款扉  
是時雲陰天宇低  
風吹細雨烟霏霏  
移鐙斜照愈妍好  
絳紗作幔珠成圍  
花香雨氣杳莫辨  
但覺芳潤侵人衣  
一杯酬花還共勸  
脫畧禮數忘拘鞿  
夜深沈醉未忍別  
折花滿把衝泥歸

周立厓侍御以所刻坡翁書清虛堂雪詩見寄卽

次韻題卷後

坡公眼空恒河沙  
下視凡筆如蜂衙  
偶然對雪揮醉墨

十指拂拂飛天花豪情奇氣兩鬱勃杜韓顏李同一家  
神呵鬼護七百載墨采照耀金輪鴉立厓侍御有古癖  
欲爲藝苑留瓊葩搗成新刻遠寄我見之技癢不可爬  
我嗜公書嘗苦學如飢思食渴飲茶梁園寒夜百展玩  
不覺漏鼓聞三搗臨池那無千挺墨惜哉老矣空吁嗟  
清虛之堂在何許柏臺雪照霜天霞

題王鶴書探梅圖

憶梅如憶友老去倍關情動作經年別相憐太瘦生冷  
香吹不斷寒月影同清雪後曾開未何辭策杖行

游蘭亭



晉代羣賢蹟風流宛在茲欲尋修禊事不待暮春時古  
色看修竹清流到墨池行厨知有酒先酌右軍祠

望陽臺

暮雨巫山遠清秋望眼開拍天流漢水拔地起陽臺夢  
裏雲何在樽前月又來空留神女賦聲入楚猿哀

送卜仲貞歸吳江

木落雁聲沈離亭秋正深風霜新白髮山水舊清音衰  
柳那堪折濁醪還復斟相知嗟已晚此別意難任

渡揚子江

瓜步潮初落春帆趁曉風霜消江草碧日上海雲紅重

鎮依天塹中流起梵宮濟川吾老矣倚棹興無窮

山陰舟夜

客行初入越恍似鏡中游風月來清夜溪山送小舟翠  
攢寒竹淨香動早梅幽已近齋居日忘機對暝鷗

送楊大宇編修南歸卽和留別韻

從此知君寢食甘年來愁緒正難堪每聞話雨添鄉夢  
忽訝臨風送客驂天與清閒歸自好官因老病去何慚  
到時鄰叟歡相接掃席重開蔣徑三

青門柳色最關情歸路憐君觸熱行老友那堪成遠隔  
長歌最苦作離聲甥能似舅何無忌

君爲副相  
梅公甥

富不如

貧向子平好向敬亭山下去疎簾高捲看雲生

憶梅用同年嚴海珊韻

南國看花斷客魂歸來猶是夢江村香生老樹傳春信  
影落虛窗記月痕到處園林依野水誰家風雪閉柴門  
舊游一往難追憶畫卷分明墨未昏

武昌春興和劉耕南

何處嗟君絕妙辭武昌新柳綠絲絲江城舊是風流地  
春色空憐淡蕩時繡被香銷舟去遠明璫月冷夢來遲  
汀蘭岸芷行堪把欲采何因寄所思

哭老友符藥林農部

秋燈照雨客窗寒，夢裏思君淚不乾。  
詩社有聲推老輩，宦途最久止郎官。  
五年病榻書頻寄，兩度征車別更難。  
白首舊游今幾在，斯人眞作古人看。

早春書懷

獻歲新開酒一瓶，香生菜甲滿盤青。  
扣門尙有常來客，展卷猶餘未校經。  
夢裏烟波空渺渺，鏡中華髮早星星。  
暫留擬作消閒計，取次移花種小庭。

生平游好本無多，相隔天涯更若何。  
差喜校書將卒業，得容歸客養微疴。  
情陰不改憐幽竹，春水方生愛綠波。  
乘興徑須隨所適，青鞵布屐漫蹉跎。

淮口待舟

寄語寒梅樹春風莫盡開  
北人相憶苦衝雪渡江來  
六代繁華地年年碧草生  
春江花月夜好到石頭城

過均州

淡烟城郭枕春流水上  
桃花花外樓記取漢濱時節好  
輕帆二月過均州

過釣臺

臺下溪流七里清  
釣絲風細客舟輕  
先生已往空山在  
松頂月來猿夜鳴

陳慰祖

慰祖字怡先又字仲怡號邁庵磁州人雍正二

年進士官安徽宿州知州

磁人詩公幼英敏不屑屑於章句見者知  
爲大器令青陽除奸究厲豪強吏治肅然

### 宿山家

花木叢深處星星數比鄰禮疎人自古菜苦味偏新山  
色窺簾近溪聲入枕頻此中有日月說與故鄉人

### 陳風友

鳳友號鶴汀文安人雍正二年進士官廣東肇

慶府知府有素齋詩

### 遣興

國朝詩集卷之三十一  
三  
青山杜若芳幽香襲石磴我從白雲來野色開荒徑  
霏微林露滴空山有虛聽

潞河立秋日夜雨

颯然涼風來一葉零幽露耿耿壁鏗微悵結人何處寒  
入葛衣秋愁深知幾許遙天悽羈魂客夢迷秋雨

林璉

璉字玉相永年人雍正二年進士官翰林院編

修

永年縣志永年自申姚後詩學久不講璉與同  
邑金振聲等相切劘體羸善病貧不能給藥餌  
猶日拈毫苦吟多中  
晚唐佳句爲人傳誦

護駕村

杏花開滿徑晴日倍光輝  
村酒無賢聖山園少是非  
老農驅犢過童子牧羊歸  
目斷長林際樵歌入翠微

李翔麟

翔麟字古愚遵化人雍正二年進士官山西長子縣知縣

游禪林寺

蕭寺山深處尋幽興未闌  
松高堪鶴止槐古儼龍蟠  
道豈天人隔禪惟性理看  
老僧參未徹欲與破疑團

李籍



籍字子文又字子田號易齋磁州人雍正二年

舉人

磁人詩先生孝友方正  
日手一編至老不倦

讀孫貢南江游草奉答

游子他鄉憶舊廬故人兩地久蕭疎  
填胸臆結三年恨落筆魂飛千里書  
但向窮愁尋樂處自教險難有安居  
寄來詩草如相見刮目遙情付雁魚

霍備

備字易書號揖軒東光人雍正二年舉人官奉

天府府尹

秋思

求仙何處是三山，獨坐空齋日閉關。  
既戀紅塵留世上，須添白髮向人間。  
一杯酒醉臨風臥，七字詩成對月刪。  
最愛東坡能自照，忽然識得本來顏。

紀適宜

適宜字碩亭，文安人。雍正二年舉人，有返吳吟。

朱桓序碩亭先生詩興酣落筆未嘗有意求工而襟懷瀟灑自有出塵之趣

寫懷

衰年合采故山薇，何事江湖兩地違。  
南楚銷魂新雨別，西秦回首故人稀。  
淒淒窗外寒蛩咽，策策階前落葉飛。

生怯水程波浪險早拚塵垢浣征衣

張如鉞

如鉞字彝伯號蘭谷宛平人雍正四年舉人官

武邑縣教諭有蘭谷詩草

津門詩鈔蘭谷先生書法歐陽率更傳自梁崇此先生

春游

橋頭沽酒自提壺來就桑陰聽鳥呼沈醉東風渾未醒  
一雙蝴蝶落霜鬚

朱懋行

懋行南宮人雍正四年舉人官天津縣教諭

送張季直之甘州太守任

久著仙曹望 新恩授郡隆  
褰帷行塞上 仗鉞入甘中  
時雨隨昭渥 清霜落旆融  
循良追召父 絃誦繼文翁  
按部單車肅 宣仁四野同  
三年應報政 早奏建章宮

國朝畿輔詩傳卷三十二終

國朝畿輔詩傳卷三十三

長洲陶

櫟島薊輯

甘泉汪喜孫孟慈校

單 鈺

鈺字亦聲號振菴易州人雍正五年進士官安  
徽池州府知府有鏤冰詩鈔五卷

軍道臨先府君行述府君生而穎悟十七補博  
士弟子員雍正甲辰領鄉薦丁未成進士靜海  
縣文勤公及溧陽史相國均愛府君之才  
廷試得二甲歸班甲寅謁選得浙之壽昌壽  
素稱簡邑地瘠民貧由明以來田荒糧道府君  
前下車卽釐剔好弊積欠一清又闢廣來種麻  
棚民歲凡萬計強悍不馴前議調總鎮歲一稽  
查府君知其無益力詳止之而選立棚長俾自  
相約束復不時躬爲巡察開布恩信終府君任  
安帖如常嘗會審金華盧姓命案手疏此案十

可疑與金守爭與臬司爭至去就以之及撫憲  
批駁情節皆臆合爰書始定升玉環司馬玉環  
孤懸海外往來海舶皆閩廣漁人卽墾荒力作  
之輩亦多外來流寓府君抵任月餘周知民隱  
撫恤商民嚴查奸匪修城建牖築隄招墾三年  
之內刑清政簡囹圄空虛又有漁艘數人汛兵  
誣爲盜府君以無贖證力爲申辨獄得平反推  
升安徽池州守署篆劉某先經上憲疑升科有  
隱漏奉委會同清丈編造鱗冊用司發入折小  
弓府君力持不可齟齬成隙蓋府君素性剛介  
不肯諛隨及劉某接任撫拾影嚮蜚語上聞竟  
挂彈章嗣蒙剖雪奏明開復原官然以舊疾  
歸不復赴補絕意仕進宦遊所歷簿書之暇輒  
成吟咏隨意抒寫造句天成著有鏤冰詩鈔各  
集及讀書偶見續刻問世  
紀昀序易州單公爲人侃侃有直氣其  
詩務得性情之正揮灑自如神骨遒上  
紅豆樹館詩話鏤冰集多佳句登吳山云江湖  
仍左右吳越幾春秋途次云雞聲啼曉月人語

起殘更玉環雜詩云風頭占候鳥潮信問來船  
四野雨初足前溪月又生山形連雁宕海色接  
驪洋千里嶼風起滿城茅屋寒署齋卽事云帆  
構漁釣論潮水烟火人家共島雲項王廟云鐵  
馬有靈歸鉅野雲旗無面返彭城重九云尊前  
瘴海黃花酒夢裏烟蓑白鷺磯泛海云幾照蒼  
山分島嶼一行征雁伴帆檣金山寺云佛火近  
看通鐵鑊鐘聲遙聽到瓜州贈別云落波峯影  
含飛動曳樹蟬聲帶別離  
旨疏越清壯方軌錢劉

述懷

地偏風俗古官舍儼荆扉日上人初起山昏吏早歸傍  
花公事了送鳥素琴揮乘興心從遠無勞問是非

峴山寺

香刹依山脊巋然閱歲華枯僧如木石禪榻掃烟霞閣



迥雲常覆林深鳥不譁慙余嬰世網小住悟空花

蘭溪僧舍

寺古僧多異人來鳥不驚秋雲天際迴孤磬夢中清捉  
塵揮嵐氣拈花印道情頓教諸妄念擺脫四天輕

得養齋先生書

離情盈浙水失喜得雙魚三載屋梁月一行燈下書林  
花薰講席綵服戲庭除榮瘁渾閒事同憐雪鬢疎

支筇

支筇閒曠覽風日喜初晴近水光浮郭春山翠入城野  
花香引蝶林樹語遷鶯攜伴多詩客閒題石上名

出郭遊西湖北寺

聊著尋山屐支筇一徑斜  
陰晴無定景開落有閒花  
出岫雲容幻營巢鵲語譁  
僧徒多舊識笑客未還家

過富陽

三折江迴散暮潮孤城粉堞壓山腰  
倚雲石壁緣松閣近水烟扉隔柳條  
短舸微風行自穩長吟明月坐相招  
沙鷗一片飛如雪羨爾飄然入次寥

過百步溪

路向天台山四圍屈盤石磴入雲微  
林猿探果跳枝過江鷺銜魚貼水飛  
蒸作曉霞迷洞口滴來晚翠溼春衣

杳然乘興忘機事欲覓仙靈叩石扉

元夕舟中

湯漾春江愛晚晴江邊籬落野梅橫斜陽潮退漁舟集  
遠市聲喧社鼓鳴酒對溪山無點俗詩題風月有餘清  
滿城燈火魚龍戲何似推篷鏡裏行

思歸

解卻塵纓賸得閒春秋代謝換朱顏夢醒已厭波濤險  
歸去頻愁道路艱塞雁自隨春北上岫雲終擬暮飛還  
尋常茅屋三間好爲屬鄰翁共買山

湖上

激灩湖光似鏡清，支筇悵望獨含情。  
烟籠古樹多藏寺，嶺渡殘鐘半入城。  
山駐絮雲閒不散，波涵珠月曉還明。  
卻憐放鶴人仙去，誰爲梅花作主盟。

再過富陽

敲枕推篷賦遠遊，櫓聲欸乃狎沙鷗。  
空濛烟雨舟如葉，又過春江第一樓。

周人驥

人驥字芷蘘，號蓮峯，天津人。人龍弟。雍正五年進士官廣東巡撫，有香遠堂詩稿八卷。

津門詩鈔：公官侍御時，彈劾不避權要，以直聞。歷任封疆，風裁嚴峻，貪墨者望風解組。清釐夙

弊廢無不興所莅之民畏威懷惠卒以剛正  
爲權貴所中數起數蹶未竟其用論者惜之

夜雨

滯雨涼生五月天  
瀟瀟聲裏話燈前  
到來荒徼官三月  
回首京華路八千  
案牘無多慙大吏  
陰晴應節卜豐年  
衙齋幽靜無拘束  
洗盞何須問聖賢

荔枝

絳雪爲衣玉乳香  
堆盤相贈喜初嘗  
從知百粵傳名品  
不數甌閩十八娘

金相

相字琢章天津人  
雍正五年進士官翰林院侍

讀學士

津門詩鈔先生端正廉謹學品兼重與周蓮巖先生並居京職同有清正之稱歷掌文衡時推得士

泛舟望海寺至香林院觀衛白二水交會處

停舟碧綺寮憩蹟青華觀晴烟舞花積宿靄延林散緇  
廬改新制棟宇益璀璨開門見大河日夜納汗漫京西  
三百里一氣總輸灌呼吸走風雷憑凌倒滄瀚經營一  
失宜禳巖窟高岸昏烏萬檣宿晨火千家爨保障有賢  
臣園葵敢興歎

常青岳

青岳字未山一字雨來交河人雍正五年舉人

官江西南康府同知有晚菘堂集二卷

彭啟豐序未山爲予同年友爲政原本經術寬  
猛相濟裁決簿書勾稽錢穀明敏過人詩清麗  
拔俗肆好多風  
兼有諸家之美

徐庶故里

我愛徐元直純孝凌千古一遇劉將軍融如水投乳薦  
賢得臥龍枉顧託心膂方期建大勳致身報明主誰令  
豚兒降失勢同奔菖倉卒走江陵中途每失所頓覺方  
寸亂指心手空拊慷慨再拜辭強留事無補臨別只數  
言字字出肺腑王綬業誰圖夙願成虛語憶昔劉項爭

陵母曾羈楚伏劍全子忠賢名耀來許兩人境地同用  
心此獨苦仁至義亦全高風誰與伍

訪劉凝之故蹟

潁上有廉吏胸襟何灑落中年無宦情避世尋邱壑卜  
宅得寶峯高懷此棲託騎牛時往還靜隱得真樂載咏  
廬山高歐公非苟作我來西澗上訪舊踏芒屨愛此清  
淨緣遐想雲中鶴

峽江水漲由百里荒回清江

行行幾莫辨西東身入羊腸詰曲中心膽驚時全墮地  
輪蹄飛處半淩空王陽到此車應返阮籍行來路已窮



漫說青天連蜀道而今楚道亦蠶叢

寄荆山星輝兩弟

一札封眉淚欲零六年宦蹟等浮萍揣摩未易投時尙  
吟咏猶能寫性靈覽鏡半更雙鬢綠閒衙仍對萬山青  
秋來夜夜多風雨那得連牀共被聽

雨中登滕王閣

江風吹雨不堪聽落葉蕭蕭滿客庭半世浮名仍鹿鹿  
十年衰鬢早星星胸中彭蠡三秋濶眼底匡山九疊青  
回望長安天際渺倚闌翹首羨鴻冥

泊瓜洲

一聲長笛起僧樓  
綠水春帆自在流  
明月二分風五兩  
送人今夜到瓜洲

鹿門灘舟中卽目

逆水休嗟行路難  
好風吹上鹿門灘  
河邊山色村邊樹  
穩坐輕舸盡裏看

二月八日抵吳城任偶成

三板停橈謝水程  
梅花官閣一身輕  
簿書落落吾能了  
拄笏東軒唱渭城

望湖亭遠眺有懷星輝舍弟北旋

漫說鄉關水驛遙  
好風十日送蘭橈  
懸知此際停帆處

應在隋家廿四橋

孤山晚泊

纔辭五老碧雲間  
行盼雙姑擁翠鬟  
作雪未成天又暮  
半簾烟雨對鞦山

張冲之

冲之字道淵號退圃宛平人宏儼孫雍正六年  
賢良方正歷官河南南汝光道有素脩堂詩鈔  
歲暮書懷示模桓兩兒

歲晚宜休沐身閒喜放衙  
酒杯浮竹葉書案綻梅花  
心靜詩成癡頭童雪屢加  
此宵偏倦戀明日又年華

爲農

遠戍風霜苦爲農  
雨露深屋依秋樹  
老門對野塘陰細  
雨荷鋤去清風抱  
膝吟羣游鷗與鷺  
相狎兩無心

臥病

薄宦愁多病鄉心  
憶故居山泉頻調  
水園吏例供蔬瘦  
骨難扶杖荒城苦  
借書有身應有患  
如此悟真如

題邵蔚田侍讀收綸圖

滄海曾經釣巨螯  
排山銀浪見風濤  
年來不作臨淵羨  
休論長安米價高

紅樹青山舊釣磯  
竹林深處有柴扉  
滿天明月歸來晚

攜得鱸魚一尺肥

過淇水

眼看淇水去悠悠一片波光冷似秋未必有功能潤物  
下山徒自亂清流

魯克恭

克恭字伯敬豐潤人雍正七年舉人官浙江秀  
水縣知縣

園亭閒眺

喜茲嘉樹林烟景無時缺花醉滿園春月坐一亭雪花  
月方淡然我心自怡悅解帶任清風悠然忘言說

黃祐

祐字履敬號松山天津人雍正七年舉人官江蘇通州知州

汪槐塘津門雜詩題詞

翟塘春水隋隄樹半屬楊枝半竹枝爭似槐塘新樂府  
白傳燕筑付紅兒

陳德正

德正字醇叔號葛城安州人德榮弟雍正八年  
進士歷官陝西按察使有葛城詩稿

朱珪陳公墓表公幼而英俊岸異受知於學使  
荆山吳公成進士授吏部額外主事題補文選

國朝畿輔詩傳

卷三十三

九

司員外尋擢郎中乾隆三年特授山西  
冀寧道六年晉山東按察使七年調陝西按察  
使公莅外任以刑名為民命所關不肯草草適  
蒲城有幼女被勒死訊明凶犯已得其情是姦  
非盜而同州守迴護已非潛以先入之言聳動  
撫軍飭行省釋公不從府欲封章以開為制府  
所劾遂奪職發往軍臺効力越六年蒙  
恩宥回籍公平居愛讀周秦以上書若左國老  
莊楚騷遷史寢食以之他如管列荀韓亦復涉  
獵詩上溯建安下逮長吉心摹手追劇有心得  
卒年七十三

### 蒿里行

北邙無閉土南山鬱高岡天地一溝壑啾啾萬鬼場陳  
因藉白骨魂氣逝飛揚百年誰不死長生豈有方策騏  
進靈輿鑿隧開壽堂但聞黃泉路不見白雲鄉元廬慘

昏景隙月延白光魑魅共來往狐兔穴其傍新鬼泣嗚  
咽舊鬼色淒涼生年一何促沒算一何長廣省貯永劫  
今古浩茫茫吾欲問司命爲德胡不良行催老者盡復  
迫少者殤何不稍躊躇俾令獲壽康有形終須盡旣死  
焉不亡會當東縛去吁嗟可憐傷

銅雀妓

高臺鎖春色幽坎闕元廬廣筵陳象設供養儼平居脯  
糗上朝夕膏沐爲誰娛戚容赴促節哀響發悲歛鬱鬱  
西陵樹古瓦蒼苔鋪蕭風引孤幔彷彿迴靈輿徒然奏  
歌舞無復御衾禩與其著銅雀何如殉鼎湖曉妝待寂



冥夜色延虛無果能陪色笑何惜微賤軀綦組賣人間  
恩愛猶在初已分掖廷老空傷歲月徂生人接幽景白  
日逼暝途七十二陵在地下復何如

和吳淵頴題韓蕲王湖上騎驢圖

百戰功成賸此身蕭然世外一閒人西子湖邊青草路  
無人知是故將軍焦山寺前喧戰鼓直期痛飲黃龍府  
北去都忘君父仇南來且作湖山主白公隄上日經過  
回首中原恨事多髀肉漸生驢背穩壯心消盡醉顏酡  
男兒有身裹馬革不畏矢石畏刀筆可憐一曲白符鳩  
願爲忠臣安可得

風峪石經歌

北齊天保年間刻

熒惑入斗天無光  
魏皇徒跣出文昌  
爾朱已滅賀拔死  
中原大業歸高王  
晉陽兵甲天下橫  
拊君之背搃君吭  
倨坐直呼陛下反  
河邊殺癩行披猖  
父龍兄虎席盛業  
猥云舜禹傳陶唐  
圓邱禮罷受朝賀  
三十六國紛趨蹌  
當時意氣自豪舉  
西無覺護南無梁  
不崇圖書崇象數  
百七十部恢禪綱  
太原西上有風峪  
砦然一穴開中央  
傳聞是爲天地竅  
大風時起雲飛揚  
洞有石經炭林立  
無漏上乘宣十方  
當時刻畫豈無意  
或者借此爲祓禳  
摩尼照空諸天寂  
獅子夜吼魑魅藏  
鐫盤鑄鼎共不朽

何事更寫泥金黃年號依稀記天保山河屢易驚滄桑  
此石此書依然在歷劫雷火曾無傷蝕伏虺守任呵護  
高峽鼓壁藏堂皇苔蘚剝盡露結構蛇龍岬強羣鸞翔  
伊時奉敕書者誰斯邕繇鏤爭頡頏連山倒海與筆力  
長矛快劍森鋒芒韓蘇愛奇誇石鼓矜言蒐自岐山陽  
豈知同是周齊物一字文泰一高洋字畫漫漶不可識  
攻車同馬煩確商昌黎好事乃臆斷鑿古未審徒旁皇  
惜哉此經無識者至今幽閉山之岡高人畸士蹟不到  
窮厓蔽翳荆榛荒幸無摹搨得完好片石價重千琳琅  
卻悲年久多變易泥塗封砌如堵牆刻石書經經四面

三面背倚難諦詳願言折剔更羅列安置妥貼排成行  
永奠此山壓塊氣脅鹿不許飛廉狂

元祐黨籍碑

國運士氣相終始衣冠流禍何時已事由我輩半激成  
調停未罷紹述起當時特標亂政臣豐碑矗立端禮門  
子孫禁錮身繫累嶺南萬里猶君恩司空門下臣京記  
夷列罪狀分次第某也首惡某附麗前書其官後姓字  
頒之天下垂萬世天下萬世不可欺恩仇反覆競一時  
小人自爲門戶計好惡誰能移是非石雖可毀名不滅  
千載凜然見高節史家記載未能詳賴有此碑存論列

慶歷之世已萌芽中間蜀洛尤紛拏包荒無力伏莽發  
一時互指爲奸邪剝削隱然在元氣放逐殛流日多事  
祖宗培植幾百年可憐一網無遺類消長從茲治亂分  
官家別用一番人君不見厚陵寒食松楸冷社飯明年  
思老身

遊高陽李相公園林

國初相業推高陽三十視草金鑾傍少年才位不可及  
中書門下同平章朝廟當時多著作一代文章重臺  
閣謝公偶出爲蒼生晚年逸興耽邱壑延英對罷退  
朝初蕭然門徑山林居名花奇石親位置身遊魏闕心

江湖園中新闢讀書屋磊落牙籤三萬軸  
朝廷無事得從容  
天子時時賜休沐祇今東閣不復開相

公已去無人來舊時亭榭半傾圯荒庭風雨生莓苔百  
年所存只喬木人世幾回變陵谷平泉草木無復遺房  
杜田園竟誰屬從來善始不善終富貴繁華轉眼空洛  
陽名園長荆棘奉誠第宅隨飛蓬古今興廢數有定君  
臣遭際時不同卽今蔓草荒烟裏想見當時忠厚風

過保定弔金忠節

國破君亡誓一死縋城夜出殺賊子黑纓白甲爾何人  
請督師  
李建泰攘臂公行白晝裏守陴力屈還巷戰烟塵四合

哭聲起母求死子妻求夫夜半啾啾攢萬鬼城中鄉官  
主者誰弢峩鐵冠金御史明知時事不可爲醜酒椎牛  
親饗士痛哭盟衆大行前京師已陷七日矣舊時驄馬  
秦中游賊曰父母公仇讐環尸跪拜不忍去裂眦不瞑  
張雙眸知公有恨耿千古賜劍無靈太跋扈碧血淋漓  
地下藏一塊故鄉乾淨土

李法孟

法孟字嶧山又字亦珊任邱人雍正十年舉人  
官廣西西林縣知縣

任邱縣志法孟年十三補諸生雍正己酉貢入  
成均中壬子舉人考授內閣中書改授廣西永

福令調西林令所在有循聲告病家居與景州  
李基竒歎縣戈濤同邑劉炳邊連寶諸人相唱  
和九  
工書  
紅豆樹館詩話亦珊工書法學顏魯公至今邑  
人多寶藏之景州曹麗天听嘗寄以詩云龍津  
之鏤大食刀精光迸落藏輕臺爲君磊落一披  
拂沈疴頓豁胸鬱陶古人評書窮萬象顏公變  
法秋鷹驕風雲眼底何汗漫鋒稜一撇天爲高  
紛紛俗書競姿媚非君迅掃誰爲豪堂堂筆陣  
真一快辟易鞏婢登嫖姚憶昔逢君年正少昂  
藏正筆能持牢元方歌詩稱二妙相將一斗傾  
醇醪故人宿荒途不惜迴華鏹赤文珍重留鐵  
意氣今尚爾荒途不惜迴華鏹赤文珍重留鐵  
畫片石千載垂光襲翦燭把酒話清夜窗竹摩  
夏風蕭騷墨池龍騰方化雨蒨屋燕倦空藏巢  
大道如髮望南北  
尚憶與子歌同袍

永福署中書懷



長日訟庭虛苔茵碧欲鋪燕羣斜雨翅荷掌定風珠單  
父琴工否陽橋釣美無昔賢治譜在未敢易真吾

劉燉若

燉若字艾嶠景州人雍正十年舉人官寶坻縣  
教諭有渠陽鐸韻一卷

蘇珊序艾嶠詩舉體遙雋興寄超  
逸殆淵源厥宗夢得而派衍之者

食芋

清晨買紫芋十錢易一盤甘滑勝粗糲更宜腐儒餐何  
必遠涉淇玉延如琅玕况乎不麥稷賴爾忘凶年疑插  
周牆苗長保腹便便與世淡無營陶然理舊編荷鍤歎

沙礫犖确非良田

秋日有感

重雲溼霧冷三更素魄剛明半未明  
颯颯西風吹落葉有人長嘯和秋聲

秋日過李聖符

濃柳環村大幾圍黃綃碎翦滿簷飛  
轆轤聲裏新泉白門外秋菘汁正肥

李承恩

承恩字紹衣灤州人雍正十年舉人有致遠堂

詩稿一卷

舊居

空庭寂寞滿蒼苔  
朱戶隨風任意開  
惟有堂前舊燕子  
雙雙飛去又飛來

草砌柴門小徑荒  
曲闌獨步意徬徨  
月光不肯隨人去  
猶送花陰到粉牆

王堦

堦字友仲  
周人  
雍正十年舉人

題中丞路公傳後

髣髴英靈尙在茲  
生芻還繫哲人思  
千秋氣已凌三島  
百戰神猶載兩旗  
風雨東來空悵望  
松楸南向總迷離

至今嗚咽淮頭水白馬江濤一樣悲

張應楸

應楸字松岩玉田人雍正十年舉人有佩蘭齋

集一卷

玉田縣志應楸博通羣籍殫心詩賦刊有雜詠傳奇行世

春日偶成

淡雲疎雨過春城  
流水桃花若有情  
岸柳豈從今歲綠  
林鶯不是去年聲  
狂歌拚惹兒童笑  
酣睡偏宜午夢清  
聞道征西車馬好  
長安無復羽書驚

田志勤

志勤字崇廣號平圃大興人雍正十一年一甲

二名進士應官翰林院侍講有業精堂詩草

羅源漢序平圃詩和淡遠端  
莊流麗一字一句悉衷大雅

和何元晉草堂漫興

子美詩名擅草堂欲判肥瘦比癡狂清言豈異古今轍  
雅意偏分上下牀濁酒黃花晚夕月明窗棐几趁秋陽  
門前漸乏俗人屢捕雀張羅正不妨

何琇

琇字君琢號勵菴宛平人雍正十一年進士官

宗人府主事

四庫全書提要樵香小記二卷何瑒撰是編皆  
考證之文凡一百二十條論經義者居其大半  
亦頗及字學韻學其論六書頗與舊說異同如  
謂禿字當從禾會意說文謂人伏禾下固屬謬  
妄卽六書正譌改爲從木諧聲亦非確論謂說  
文訓爲字爲母猴本末倒置當是先有爲字乃  
借以名猴謂射字從身從寸爲籀文象手持弓  
形之譌其說皆未免於獨創至其解春秋西狩  
獲麟解周禮奔者不禁解詩野有死麕亦時能  
發先儒所未發其學問大旨蓋出入於閻若璩  
顧炎武朱彝尊毛奇齡  
諸家故多衍其緒論云  
閻徵草堂筆記先師何陋菴先生宦途坎坷貧  
病以終著有樵香小記多考證經史疑義今著  
錄四庫全書中爲  
詩頗喜陸放翁

詠懷

冷署蕭條早放衙  
閒官風味似山家  
偶來舊友尋棋局

絕少餘錢落畫叉  
淺碧好儲消夏酒  
嫣紅已到殿春花  
鏡中頻看頭如雪  
愛惜流光倍有加

邵大業

大業字厚菴大興人雍正十二年進士官江南

徐州府知府有謙受堂集十二卷

隨園詩話邵厚菴太守治蘇有惠政以忤大府  
罷官有口號云江山見慣新詩少世味嘗深感  
慨多又老來兒女費周  
旋七字亦頗是人情

童二樹畫梅歌

先生畫梅如畫龍頭角  
鱗爪森玲瓏千枝萬枝一氣下  
奔走雷電驅長風  
先畫大幹如截鐵  
細柯旋出搖青銅

凍皴堆作盤錯勢拳曲臃腫驕蒼松攘臂奮腕繞席走  
筆欲落紙神飛空須臾雲氣滿四角淋漓亂點寒花叢  
澹者欲傍竹籬徑豔者忽近珠簾櫳繁英粲粲儼列屋  
孤蕊脉脉嗟離宮就中五出未全出將開不開春冲融  
踔厲奮發初赴敵卒收險怪歸中庸一時觀者齊叫絕  
彭門刺史心則忡憶昔曾作吳下守討春直到東園東  
元墓石壁十里許疎羅密織交織濃瞥眼一別十六載  
索笑但有清夢通閒亭更憶林處士俗骨欲換知無從  
晴窗喜見大潑墨置身如在孤山峯始知先生有眞宰  
澹香清影常在胷畫梅畫骨兼畫氣破萬卷入青蒙茸



張之高堂日坐臥縱有塵盞烏能攻只恐破壁欲飛去  
模糊雪海香濛濛

卽事

逍遙堂半畝清絕與誰同幾點菊花雨一林黃葉風背  
人吟好句對客理絲桐借問彭城守何如放鶴翁

河口作

淮黃交合地禹蹟尙堪求自昔稱雙獨於今得並流氣  
兼星漢下聲入海天浮吳楚三江外蒼茫拱上游

長至前一日途中作

夜半理征衣黃昏未解驂馬疲輪較重鴉定葉全稀自

覺吟情減遙看夜火微呼兒市村酒佳節近灰飛

薄暮

疎鴛壓山重新風入袖寒蹉跎傷薄暮縹緲望長安漸  
覺衣冠頗從知歲月寬惟憐小兒女欲遣客情難

題省日四兄課孫圖

木榻蕭然抱膝居加餐不歎食無魚忘家那慣縈鄉夢  
有子都能讀父書一卷南華消畫永半枰棋子落窗虛  
伊吾尙有桐孫在樂事天然百不如

贈張汝石

別來心事各如何冉冉流光委逝波清夢幾回依霍藹

好風初喜到星河  
閒雲野鶴人如舊  
秋月春花與不磨  
邂逅卻慙塵下吏  
西窗孤負夜燈多

德州道中

欲雪未雪天氣陰  
落地作雨寒來侵  
三冬柳色乍含潤  
一縷鬢烟深出林  
蒼隼掠田飛習習  
黃雞升屋唱森森  
德州城外官河渡  
北轍南帆攬客心

丙戌正月過錫山再疊戊辰元韻

幾回帆影此間過  
歲月催人可奈何  
境到熟游詩嬾就  
春當得放水無波  
連峯雪霽飛仙館  
曉洞雲深隱鳳阿  
試問清泉好消息  
何時晴汲碧山蘿

和吳梯岑副戎見懷

幾年尊酒共談心，  
仁隔車塵思已深。  
好句玲瓏纔入手，  
新晴稠疊頓開襟。  
吳門往事成追憶，  
洪上清光只獨尋。  
最喜雲軒新結構，  
半窗風雨逗松音。

酬湯藥岡

丹鉛荒盡冷生涯，  
袞袞紅塵走傳車。  
已分秋深同落瓠，  
可堪人老更簪花。  
琅玕入手光何限，  
簿領埋頭興轉賒。  
莫訝玲瓏仙骨健，  
置身原是舊金華。

將抵吳門口占示申壻兆俞兒子自昌

菜花黃映綠楊梢，  
路轉江村十里遙。  
清茗一杯情話好，

扁舟搖過彩雲橋

橫塘橋外白雲橫  
細蹴鱗紋入棹輕  
兩岸黃花一行柳  
不知人在畫中行

高郵

二分明月照揚州  
長笛吹殘昨夜樓  
迴首雷塘正惆悵  
一帆疎雨過高郵

春流三月漲平湖  
淺草輕沙慣浴鳧  
蓑笠漁人愁礙槳  
楊花飛處綠萍鋪

李若龍

若龍字又明東光人  
雍正十三年舉人

閱微草堂筆記東光馬節婦余妻黨也年未二十而寡無翁姑兄弟亦無子女以澆濯縫紉自給年八十餘乃終余嘗考馬氏家乘然其夫之名字與母之氏族則忘之久矣先師李又剛先生與同里嘗爲詩云云

### 馬節婦詩

早歲吟黃鵠顛連四十春  
懷貞心比鐵完節鬢如銀  
慷慨千古凋零賸一身  
幾番經坎壈此念未緇磷  
震撼驚風雨搗呵賴鬼神  
天原常佑善人竟不憐  
貧稍覺親朋少羞爲乞索  
頽一家徒四壁九食度三旬  
絕粒腸空轉傭針手盡  
皺有薪皆掃葉無甌可生塵  
鰥面眞如鵠懸衣半似鶉  
遮門纔破薦藉草是華茵  
生死心無改存

亡理亦均喧闐憑燕雀堅勁自松筠伊我欽賢淑多年  
其里闐不辭歌詠拙取表性情真公議存鄉校廷評待  
史臣他時邀紫誥光映九河濱

王榮勣

榮勣字立亭號澄齋正定人鍾岳孫雍正十三年  
年舉人歷官浙江處州府知府有澄齋詩草

王發楠先公傳畧公年十九領鄉薦乾隆十一年  
年北河興水利補霸州涇河州同於古治河諸  
書詳考繪圖經營規度不失尺寸升子牙通判  
歷署延慶遵化州知州天津同知聰斷明決奸  
徒斂跡薦升浙江處州知府政本仁慈視民吏  
如家人築壩堰引水灌田數千頃風化大行尤  
精易理刻有周易觀  
象行世卒年六十二

春日赴都門

策馬出門去其如戀別何  
隨車官柳細回首野雲多  
山曉鶴歸樹月明人渡河  
荒村今夜夢清興繞烟蘿

贈南社宋隱居

樓遲南社老質樸古風存  
督稼開場圃藏書課子孫  
花深香滿徑山遠翠當門  
田酒能留客頻來未覺喧

曉過青石梁

磴轉山彌峻途危景愈佳  
泉聲梳石髮雲影挂松釵  
依塞千村小耕坡萬隴排  
滿前豐穰意遊豫洽

宸

懷



九日涿州道中

星斗闌干夜促裝，曉行涿鹿正重陽。  
一灣綠水含秋冷，千疊青山笑客忙。  
古郡依然臨督亢，疎村何處問樓桑。  
停車野寺餘清興，叢菊新開數朵黃。

送于觀成赴濟寧

平生知己如君少，兩載交情一味真。  
清夜話殘花嶼月，芳時踏徧鳳城塵。  
鳥聲繞樹方求友，柳色橫橋欲送人。  
直到任城雲水接，相思莫惜鯉書頻。

過涿州雪色甚佳

涿鹿城邊雪載塗，清光極目一塵無。  
巖風吹散蚩尤霧，

粉本描成胥冗圖，應有詞人矜白戰。  
偏宜美酒對紅盤，行行莫唱清商調。  
看取瓊花數萬株。

保陽道中

幾日停車又出城，青山相見遠相迎。  
但令膏雨均三輔，何憚勞薪歷幾程。  
古渡平沙深馬蹟，夕陽高柳沸蟬聲。  
解衣小飲旗亭外，誰識踈狂阮步兵。

齋中卽事

玉盆清水養金鱗，瓶插桃花笑向人。  
便似西湖撐畫舫，暖風遲日六橋春。

山行

重疊山巒插半空水聲幽咽路纔通一川蒼麥花如雪  
知有人家在崦中

李學禮

學禮字立軒號謙堂任邗人雍正十三年舉人  
官廣東知縣有補過堂集四卷

王應鯨傳公生而穎異年十六受知於督學吳  
眉庵先生雍正乙卯年十九舉於鄉乾隆壬申  
揀發廣東試用歷任和平饒平定安陽春諸邑  
歲戊寅署佛山同知佛山爲廣州鉅鎮公莅任  
值災旱穀價昂貴籌賑濟良策活數萬人紳饒  
平蒙邑劇事繁富由積公每敷案兼訊口問手  
判兩造允服遇情罪擬要必再三斟酌紙無餘  
幅則以繩頭小楷夾書之汗流浹背弗告疲有  
富人犯賄密以萬金進公嚴卻之初報竊案差  
役練總大都虛應故事更請象分肥公設較簿

差竦駢比務獲乃已盜蔽一空宰粵十  
餘載著有聯經四卷駢體文若干卷

秋閨

妾已悔封侯郎偏愛遠遊涼風吹夢斷孤月照顏羞石  
闕銜難吐橫波閣不流年年乞新巧私語妬牽牛

用迴文韻再和玉溪

玉鏡臺邊一悵然返魂香只篆青烟幻思夢雨難成難  
癡喚春風頗類鶻祇有泉臺歌子夜不須羽帳憶丁用  
憑何斟酌姮娥悔常挂人間上下弦

姜森

森字恪齋號儀甫天津人雍正十三年舉人官

交河縣教諭

夜坐讀杜詩有作

清宵漏漸永逸興坐來增酒愛陶彭澤詩耽杜少陵會  
心良不易聚訟總無憑真慮求真解挑殘雁足燈

晚歸卽事

一棹橫秋水蒼茫渡晚烟野雲低岸樹幽火靜漁船幾  
處虹橋接誰家酒旆縣莫嫌前路暝月上女牆邊

董裕

裕字念青號恒巖豐潤人雍正十三年拔貢生  
官江西贛寧道著有庚洋集庚溪集詩意集

經豆對館詩話恒嚴恩守金華南昌九江諸府  
所在有惠政公餘延禮名士提侶風雅時將心  
係太史尚未通籍恒嚴招與讌游九澤投分奇  
取明女官石韞上司秦良玉游擊將軍沈雲英  
勦賊事譜芝翁記樂府以明史爲經雜采詩家  
荷說緯之心餘太史題詞云降旗獵獵走虜沙  
不見宗耶與岳耶畫取美人名馬像賣刀如蠶  
滾挑花督師袞袞少長城養賊寇南死負君可  
惜官家相見晚中原誰似女將軍豈有糜崖片  
石傳諍人開蜀畫凌烟紅顏不具封侯骨老向  
蓮花證上仙滕王閣下騎如雲巾幗眞宜贈額  
軍曾向空江弔蓮舫怒濤鳴咽不堪聞空勞詞  
賦動江閣下第仍從衆雁還樞觸平生忠孝淚  
一聳牙板一潺湲又懷恒嚴觀察云孝子施行  
馬心如章貢清簪組三朝事芝翁唱秦青揚靈  
作水伯招魂向吳城按恒嚴撰此書時或經心  
餘尚訂今有傳爲  
心餘自撰者誤

江都相宅懷古

何須嗟主父亦莫怨公孫不使功名薄焉知道道尊一  
編間玉露雙井瀆祠門蕭統高樓近流風好共論

再宿眞州

舊渡悲龍馬驚濤想佛狸江城三楚接烟草六朝悲梵  
寺空今古長亭管別離玉沙猶昨日漁笛倍淒其

蘇 珊

珊字毅存號惺園一號葦函交河人雍正十三  
年拔貢生官新樂縣教諭

史現序雍正乙卯嘉興錢文端公督學拔士閱  
先生卷至二場九河故道策驚喜筆力疎古遂  
以第一人充選貢 朝考名列第二母病終養  
以孝謹稱選新邑教諭研經汲古老尚不厭

西園遠眺懷舊從遊不至

年年把手共登臨  
此日何堪入故岑  
徑滿烟蘿都作障  
泉分巖溜自鳴琴  
酒亭有會關幽夢  
蘭沼無期倍感心  
最是桃花爭欲放  
一番風雨曉寒侵



國朝幾輔詩傳卷二十三終